



Ulloq 13. september - 2024

Inatsisartut suleriaasianni § 37 imm. 1 naapertorlugu Naalakkersuisunut apeqquaqat imaattoq matumuuna saqqummiuppara.

Naalakkersuisunut apeqqutit:

- 1. Inuit pisinnaatitaaffiit tunngatillugu suliniaqatigiiffinnut, soorlu makkununga, Kalaallit Nunaanni Inuit Pisinnaatitaaffii Pillugit Siunnersuisooqatigiinnut, Meeqqat Pillugit Oqaaseqartartunut, Utoqqaat Pillugit Oqaaseqartartunut, Inuit Innarlutillit Pillugit Oqaaseqartartunut kiisalu Inuit Issitormiut siunnersuisooqatigiiffiannut (ICC), tapiissutaasartut kinguneqarluartumik atuutsinneqarnissaat pillugit Naalakkersuisut qanoq eqqarsaatersuuteqarnikuuppat?**
- 2. Tapiissutaasartut pitsaannerusumik atorneqartarnissaat siunertaralugu ataatsimoorussamik allaffissornikkut ingerlatsisinnaaneq pillugu, suliniaqatigiiffiit taakku ullumikkut aaqqissuussaanerisa nalilersuiffiginissaannut, Naalakkersuisut suliaqarnissamik piareersimappat?**
 - a. Taamaassimappat, taava Naalakkersuisut suliap taamaattup qanoq ingerlassinnaanera takorlooruteqarfigaat?**
- 3. Ataatsimoorussamik imaluunniit qitiusumik inuit pisinnaatitaaffii pillugit allaffeqarfimmik (GHRO), Kalaallit Nunaanni inuit pisinnaatitaaffiit ataqatigiissaakkamik suliniuteqarnissamik qulakkeerinnittussamik, pilersitsinissamut atatillugu Naalakkersuisut inatsisitigut allannguisinnaanissamik piareersimappat?**
 - a. Allannguinissamut taamaattumut inatsisitigut suut unammillernarsinnaasut Naalakkersuisut isigaat?**
- 4. Taamatut ataatsimuulersitsisoqassappat, ilaatigut allaffissornikkut aammalu inatsisit tunngavigalugit sulinermi, suliniaqatigiiffiit ataasiakkaat immikkut ilisimasasaannut aammalu sammivinnut aaliangersimasunut aallaaveqarlutik sulinerannut, innarliisoqannginnissaa Naalakkersuisunit qanoq qulakkeerniarsinnaavaat?**
- 5. Inuit pisinnaatitaaffii pillugit suliniaqatigiiffiit tamaginnut aningaasaliissutit suliaassallu ataatsimut eqiterunneqarnerisigut iluaqutaasinnaasut ajoqutaasinnaasullu suut Naalakkersuisut tungaanniit takorloorneqarpat, aammalu taamatut ataatsimuulersitsinerup pitsaasumik kingunilimmik tamakkiisumillu atorluarneqarnissaa, tamassumalu ilutigisaanik innuttaasut siunnersorneqarnissamik ikiorneqarnissamillu periarfissaasa pitsanngoriarnissaat, Naalakkersuisut qanoq qulakkiissavaat?**



(Inatsisartunut ilaasortaq Kuno Fencker, Siumut)

Tunngavilersuut:

2025-mut Aningaasanut Inatsisissatut siunnersuummi suliniaqatigiiffinnut, inuit pisinnaatitaaffii pillugit suliaqartunut, aningaasaliissutigineqartut 19.043.000 kr.-inik annertussuseqarpoq. Imatut agguataarneqarsimasut:

- **Kalaallit Nunaanni Inuit Pisinnaatitaaffii Pillugit Siunnersuisooqatigiit:** 2.556.000 kr.
- **Utoqqaat Pillugit Oqaaseqartartoq:** 1.853.000 kr.
- **Innarluutillit Pillugit Oqaaserqartartoq:** 5.297.000 kr.
- **Inuit Issittormiut Siunnersuisooqatigiiffiat (ICC):** 2.900.000 kr.
- **Meeqqat illersuisuat:** 6.437.000 kr.

Suliniaqatigiiffiit pineqartut pingaarutilimmik inissisimapput, kisiannili aamma suliaminni misinnaatilimmik qaleriissaattooqqapput, pingaartumik allaffissornikkut aammalu inatsisit aallaavigalugit siunnersuisarnermikkut. Unalu tapiissutaasartunut kingunilimmik atuisinnaanissamik periarfissiisussaavoq.

Kalaallit Nunaanni Inuit Pisinnaatitaaffiinik Allattoqarfimmik (GHRO) pilersitsinikkut, allaffissornikkut inatsisitigullu suliasat ataatsimut eqiterunnerisigut aningaasartuutit millisarneqarlutillu susassaqarfiit akimorlugit suleqatigiinneq nukittorsarneqassaaq, suliniaqatigiiffiit sammivinnut aaliangersimasunik susassaqarfii kalluanngikkaluarlugit. Taamaattumik kissaatiginartippara, Naalakkersuisut eqiterutsitsinissamut periarfissaasinnaasunik aammalu inatsisitigut allannguutissat matumani pisariaqartut misissuiffiginissaat ammaffigissagaat.

Apeqqutigineqartut ullut suliffiusut qulit iluanni akeqquneqarput.